

Platt partu:

Rundbreef 07-2021

Wokeen schall nu för Nivea Reklaam maken?

Wieldat wi enen Schönen wulln,
keem Jogi mit de schönen Haar.
Hüüt singt en lude höhnen Schaar,
an de wi uns gewöhnen schulln:
"De den Sieg geneten wulln,
sünd, as wi nu weten, Nulln!"

Moinmoin, leve plattdüütsche Maten un Frünnen!

Tja, den Standfootball vun de düütsche Mannschap mööt wi nu nich mehr ankieken! Beweeglicher as uns Jungs is ja de Delta-Variante, de [nu al dör de Talkshows treckt](#)... De kriegt nu sachs stückerwat Lü, de sik dat in't Stadion ankeken hebbt. De Kommerzfootball vun hüüt [geiht even över Lieken](#). Un neegsten Maand kümmt Olympia. Dorbiween is allens!

Wat dat nu an't Footballkieken leeg orr an dat schöne Weder -- so'n beten hebbt wi Sommerferien maakt un en ruhige Kugel schaven. De Natuur stünn in'n Middelpunkt; bi de [Kunst](#) dreept sik jümmers wedder sommerliche Biller un Verse, [de See](#), [dat Buernjohr](#), [de Avendtied](#). Ludgerd Lüske hett en halvvergeten Dichter opdaan, Heinrich Eggersgluß, de in sien Tied [dat sommerlich](#) Landleven in Versen beschrift. Mennigeen flücht [ut de grote Welt in de Land-Idylle](#); de Sommer maakt [de Seel licht un vull Dank](#). Bi de [Natuur](#) flüggt [de Diamant](#), [de Iesvigel](#), in Behrendt Böckmanns Goorn [lücht allens in Guldgeel](#), un bi de Kinnermärken [wimmelt de Maisebbers](#). Silke Frakstein hett [en dicken Fründ](#), un ok in't [Natuurnotizbook](#) blöht un duft't dat, de Snicken kruupt överall, un sogor iesern Vagels hebbt Nawuss!

Dat ok [korte Unweders](#) to'n Sommer höört, hebbt wi in de letzten Daag spöört. Man de Sommer drifft sünnerrlich de [Hormone un de Leevede hooch](#); dor schullst mal beter [op de Figuur achten](#). -- De Aktualitäten maakt ok so'n beten halblang; Behrendt Böckmann smitt en wehmödigen Blick trüch in de [Geschichte vun'n ESC](#), un Hans-Jürgen Grebin sorgt sik [üm de plattdüütsche Spraak](#). Uns Maten vun [De Welt un Gott](#) hebbt schöne Versen tosamendragen to en niege Folg vun uns beleevte Reeg [Beden för Kinner](#), un Günter Sohnemann vertellt vun [en lebenslange Männerfründschap](#).

Op uns Süstersied numanto.de hebbt wi endlich ok mal wedder en nieges (freches) Gedicht, un dat noch vun en niegen Maten: Joachim Kroll, över den wi uns freit.

Nu segg ik Adjüs bet neegsten Maand. Geneet Se entspannt de schönen Sommerdaag un noch beten schönen Football! Olé, oleoleoleee!

Nu de Linkliste. Op de Links bruukt Se bloots klicken, dat Se henkaamt.

Plattdüütsch Kunst:

[Sünnenschlaop](#). Bild-Gedicht vun Ludgerd Lüske (29.6.)

[Summertied](#). Leed vun Günter Schiller mit Biller vun Horst Rehmann (18.6.)

[De Maihers](#). Vun Heinrich Eggersglüß (12.6.)

[Notizen ut'n Nevelmaand](#). Fotos un Verse vun Marlou Lessing (7.6.)

[Mit Biller dör't Johr: Juni](#). Biller vun Hildegard Toelke, Verse vun Marlou Lessing (4.6.)

De Welt un Gott:

[Seemannsgarn: Mien Fründ, de Matroos Günther Möck](#). Vun Günter Sohnemann (29.6.)

[Trüchtrocken](#). Vertellsel vun Claus Günther (22.6.)

[Dünen, Woter un en Sommerdag](#). Vun Marita Pollack (18.6.)

[Wat för de Figur doon](#). Vun Heinz Tiekötter (12.6.)

[Mehr Beden för Kinner](#). Tosamendragen vun Gertrud Everding, Adeline Decker un Ewald Eden (12.6.)

[Unwetter op de Elv](#). Vun Heinz Tiekötter (8.6.)

In't [lütte Gebeedbauk](#):

[Sommer](#). Vun Ewald Eden (22.6.)

Natuur un Wetenschap:

[Toxisch Planten, Folg 5: Küchenschell, Fingerhoot](#). Vun Anke Nissen (29.6.)

[De flegende Diamant](#). Vun Addi Kahl (18.6.)

[Wat einen so inschütt](#). Vun Behrendt Böckmann (8.6.)

[Mien Fründ, de Boom](#). Vun Silke Frakstein (4.6.)

In't [aktuelle Natuurnotizbook](#):

[Vagelfrönnen ünner sik](#). Vun Berthold Cordes (29.6.)

[Patrullje gahn](#). Vun Thomas Seemann (28.6.)

[Backsige Kraam](#). Vun Katja Renfert (15.6.)

[Dufte Tieden?](#) Vun Marlou Lessing (12.6.)

Wat in de Welt vörgeiht:

[Mutanten-Stadl](#). Vun Jens-Peter Bey (28.6.)

[De ESC vun Lugano bet Rotterdam](#). Vun Behrendt Böckmann (13.6.)

[Kann dei Schaul Platt retten?](#) Vun Hans-Jürgen Grebin (7.6.)

In Marlou Lessings [plattdüütsch Notizbook](#):

[Football över Lieken](#) (15.6.)

[Twee Maatstääv](#) (13.6.)

För Kinner:

[Modder Sünn ehr Kinner: De Geschicht vun de Maisebbers](#). Märken vun Sophie Reinheimer, Platt vun Klaus-Dieter Tüxen (13.6.)

Hartlich grööt

Marlou Lessing un dat lütte Plattpartu-Team